



**ԱՐՑԱԽԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ,
ՄՇԱԿՈՒՅԹԻ ԵՎ ՄՊՈՐՏԻ ՆԱԽԱՐԱՐ
Հ Ր Ա Մ Ա Ն**

«28» հունվարի 2022թ.

N 547/Մ

ք. Ստեփանակերտ

**ԱՐՑԱԽԻ ՀԱՆՐԱՊԵՏՈՒԹՅԱՆ ԴՊՐՈՑԱԿԱՆՆԵՐԻ 2022-2023 ՈՒՍՈՒՄՆԱԿԱՆ ՏԱՐՎԱ
ԱՌԱՐԿԱՅԱԿԱՆ ՕԼԻՄՊԻԱԴԱՅԻ ԱՆՑԿԱՑՄԱՆ ՄԱՍԻՆ**

Հանրակրթական առարկաների նկատմամբ հատուկ կարողություններ ունեցող և առանձին հետաքրքրություն ցուցաբերած սովորողների վերհանման, ինչպես նաև գիտության հիմունքների ուսումնասիրման նկատմամբ սովորողների շրջանում հետաքրքրություն առաջացնելու նպատակով

ՀՐԱՄԱՅՈՒՄ ԵՄ՝

1. Արցախի Հանրապետության դպրոցականների 2022-2023 ուսումնական տարվա առարկայական օլիմպիադան կազմակերպել ու անցկացնել 3 փուլով՝ ներքոբերյալ առարկաների գծով

- հայոց լեզու, հայ գրականություն, օտար լեզու (անգլերեն, ռուսաց լեզու, գերմաներեն, ֆրանսերեն), պատմություն, հայոց եկեղեցու պատմություն, աշխարհագրություն, քիմիա, կենսաբանություն, մաթեմատիկա, ֆիզիկա, աստղագիտություն, ինֆորմատիկա և նախնական զինվորական պատրաստություն:

- դպրոցական՝ առաջին փուլ - նոյեմբերի 7- 20-ը
- շրջանային (քաղաքային)՝ երկրորդ փուլ - նոյեմբերի 21-ից դեկտեմբերի 15-ը
- հանրապետական՝ երրորդ փուլ - 2023թ. հունվարի 18-ից փետրվարի 9-ը:

2. Օլիմպիադայի շրջանային (քաղաքային) փուլը անցկացնել հետևյալ ժամանակացուցով.

- մաթեմատիկա - նոյեմբերի 21-ին (կարող են մասնակցել 5-12-րդ դասարանների աշակերտները),
- կենսաբանություն - նոյեմբերի 23-ին,
- աշխարհագրություն - նոյեմբերի 25-ին,
- ֆիզիկա - նոյեմբերի 28-ին,
- քիմիա - նոյեմբերի 30-ին,
- ինֆորմատիկա - դեկտեմբերի 5-ին,
- աստղագիտություն - դեկտեմբերի 1-ին,
- հայ գրականություն - դեկտեմբերի 7-ին,
- հայոց լեզու - դեկտեմբերի 8-ին,
- ռուսաց լեզու - դեկտեմբերի 9-ին,
- անգլերեն, գերմաներեն և ֆրանսերեն - դեկտեմբերի 12-ին,
- պատմություն - դեկտեմբերի 13-ին,
- նախնական զինվորական պատրաստություն - դեկտեմբերի 14-ին
- հայոց եկեղեցու պատմություն - դեկտեմբերի 15-ին:

3. Օլիմպիադաների կազմակերպման ու անցկացման համար ստեղծել կազմկոմիտե՝ հետևյալ կազմով.

- Մ. Համբարձումյան - ԱՀ կրթության, գիտության, մշակույթի և սպորտի (այսուհետ՝ նախարարություն) նախարարի տեղակալ, կազմկոմիտեի նախագահ
- Ռ. Մուսայելյան - նախարարության աշխատակազմի ԿԳ վարչության պետ, կազմկոմիտեի նախագահի տեղակալ
- Մ. Մխիթարյան - նախարարության աշխատակազմի կրթության պետական տեսչության պետ
- Ռ. Բոզիյան - նախարարության աշխատակազմի ԿԳ վարչության հանրակրթության բաժնի վարիչ
- Մ. Բաղունց - նախարարության աշխատակազմի ֆինանսատնտեսագիտական վարչության պետ
- Վ. Ղազարյան - Ստեփանակերտի հ. 5 հիմնական դպրոցի տնօրեն

4. Նախարարության կրթության և գիտության վարչությանը, կրթության պետական տեսչությանը՝

- ա) նախապատրաստել ԱՀ դպրոցականների հանրապետական օլիմպիադայի շրջանային (քաղաքային) փուլի անցկացման առաջադրանքները. ժամկետը՝ մինչև նոյեմբերի 30-ը (էլեկտրոնային և թղթային տարբերակով).
- բ) լրատվական միջոցներով, «Լուսարար» թերթի էջերում լուսաբանել ԱՀ դպրոցականների առարկայական օլիմպիադաների նախապատրաստման ընթացքն ու արդյունքները.
- գ) «ԱՀ դպրոցականների 2022-2023 ուստարվա հանրապետական օլիմպիադայի արդյունքների մասին» հարցը ներկայացնել նախարարին կից խորհրդակցության քննարկմանը:

5. Ընդունել ի գիտություն, որ՝

- ա) օլիմպիադայի 1-ին փուլի առաջադրանքները կազմվում են ԱՀ շրջանների վարչակազմերի և Ստեփանակերտի քաղաքապետարանի աշխատակազմերի կրթության և սպորտի բաժինների այսուհետ՝ կրթության բաժիններ) առարկայական մեթոդխորհուրդների կողմից՝ հանրակրթական դպրոցների առարկայական մեթոդխորհուրդների առաջարկությունների հիման վրա.
- բ) օլիմպիադայի 2-րդ փուլի առաջադրանքերը, բացի բնագիտական առարկաներից, կազմվում են նախարարության մասնագետների կողմից.
- գ) օլիմպիադայի 3-րդ փուլն անց է կացվում ՀՀ կրթության, գիտության, մշակույթի և սպորտի նախարարության կողմից կազմված մարզային փուլի առաջադրանքներով՝ ըստ ներկայացվող ժամանակացույցի (հավելված 1).
- դ) ԱՀ դպրոցականների առարկայական օլիմպիադայի 3-րդ փուլում հաղթող ճանաչված դպրոցականները կպարգևատրվեն նախարարության գովասանագրերով, պատվոգրերով և դրամական պարգևներով.
- ե) օլիմպիադայի 3-րդ փուլի հաղթողները կմասնակցեն ՀՀ դպրոցականների առարկայական օլիմպիադայի եզրափակիչ փուլին:

6. Արցախի Հանրապետության շրջանների վարչակազմերի աշխատակազմերի կրթության և սպորտի բաժինների վարիչներին՝

սահմանված ժամկետներում կազմակերպել ու անցկացնել օլիմպիադայի դպրոցական և շրջանային (քաղաքային) փուլերը և մինչև 2022 թվականի դեկտեմբերի 24-ը նախարարության ԿԳ վարչությանը ներկայացնել շրջանային (քաղաքային) փուլում հաղթող ճանաչված ու հանրապետական փուլին մասնակցելու իրավունք նվաճած մասնակիցների թվաքանակը /հավելված 2/ և նրանց անվանացանկը՝ ըստ առարկաների ու ըստ դասարանների /հավելված 3,4/, ինչպես նաև հաշվետվություն՝ ըստ հավելված 5-ի՝ /հավելվածները կցվում են/:

7. Նախարարության ֆինանսատնտեսագիտական վարչությանը՝

ԱՀ դպրոցականների առարկայական օլիմպիադայի հանրապետական փուլի կազմակերպման, ինչպես նաև օլիմպիական թիմերի՝ ՀՀ տարբեր քաղաքներում կայանալիք ԱՀ դպրոցականների առարկայական օլիմպիադաներին մասնակցությունն ապահովելու համար պահանջվող ժամկետներում կազմել ծախսերի նախահաշիվներն ու ներկայացնել հաստատման:

8. Ընդհանուր բաժին՝

Սույն հրամանի բովանդակությունը տեղեկացնել նախարարության պատասխանատու աշխատողներին, կրթության և սպորտի բաժինների վարիչներին:

9. Սույն հրամանի կատարման վերահսկողությունը հանձնարարել նախարարության ԿԳ վարչության պետ Ռ. Մուսայեյանին:



Ա. ՀԱԿՈՐՅԱՆ